

*Зам, тээврийн хөгжлийн сайдын  
2019 оны 06 сарын 12-ны 187 тоот  
тушаалын 02 дугаар хавсралт*



## **ИНД - 39**

Иргэний Нисэхийн Дүрэм

### **Нислэгт тэнцэх чадварын удирдамж**

Иргэний нисэхийн ерөнхий газар

## **ДҮРМИЙН ТАЙЛБАР**

ИНД-39 нь дараах зохицуулалтын шаардлагыг тогтооно:

- үйл ажиллагаа эрхлэгчийн НТЧ-ын удирдамжийн хэрэгжүүлэлт;
- НТЧ-ын удирдамжид заасан шаардлагыг хэрэгжүүлэлтийн өөр хэлбэрээр хангах зөвшөөрөл.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-39-ийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-39, түүний нэмэлт, өөрчлөлтийн хуулбарыг ИНЕГ-аас, эсхүл [www.mcaa.gov.mn](http://www.mcaa.gov.mn) веб сайтаас татаж авах боломжтой.

**Мэдээлэл**

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

**Өөрчлөлтийн түүх****Хүчинтэй огноо**

Анхны боловсруулалт	2001 оны 10 сарын 01
Нэмэлт, өөрчлөлт 1	2007 оны 05 сарын 04
Нэмэлт, өөрчлөлт 2	2008 оны 02 сарын 29
Нэмэлт, өөрчлөлт 3	2009 оны 09 сарын 16
Нэмэлт, өөрчлөлт 4	2010 оны 05 сарын 07
Нэмэлт, өөрчлөлт 5	2015 оны 09 сарын 01
Нэмэлт, өөрчлөлт 6 (Шинэчлэлт)	2019 оны 06 сарын 12

**Тэмдэглэл:** ИНД-39-ийн шинэчлэлтийг монгол, англи хэл дээр, NZ Part 39-ийн 2007 оны 03 сарын 01-ний А.1-д үндэслэн боловсруулсан болно.

---

**Гарчиг**

<b>А Бүлэг - Ерөнхий зүйл</b> .....	<b>1</b>
39.1. Зорилго.....	1
39.3. Дүрмийн шаардлагаас чөлөөлөх.....	1
<b>В Бүлэг - НТЧ-ын удирдамж</b> .....	<b>1</b>
39.51. Хэрэгжүүлэлт .....	1
39.53. Хэрэгжүүлэлтийн өөр хэлбэр.....	1
39.55. Хойшлуулсан хэрэгжүүлэлт .....	2
39.57. НТЧ-ын хадгалалтын бусад зааварчилгаатай зөрчилдөх .....	2

## **А Бүлэг - Ерөнхий зүйл**

### **39.1. Зорилго**

Энэ Дүрэм нь дараах шаардлагыг тогтооно:

- (1) үйл ажиллагаа эрхлэгчийн НТЧ-ын Удирдамжийн хэрэгжүүлэлт;
- (2) НТЧ-ын Удирдамжид заасан шаардлагыг хэрэгжүүлэлтийн өөр хэлбэрээр хангах зөвшөөрөл.

### **39.3. Дүрмийн шаардлагаас чөлөөлөх**

Дарга энэ дүрмийн 39.51-ийн шаардлагаас чөлөөлөхгүй.

## **В Бүлэг - НТЧ-ын удирдамж**

### **39.51. Хэрэгжүүлэлт**

(a) Агаарын хөлгөөр үйл ажиллагаа эрхлэгчийг дараах шаардлагыг хангаснаас бусад тохиолдолд, агаарын хөлгөөр үйл ажиллагаа эрхлэхийг зөвшөөрөхгүй:

- (1) Хуульд заасны дагуу Даргын гаргасан, хамааралтай НТЧ-ын Удирдамж бүрийг хангасан байх;
- (2) агаарын хөлгийн хувьд:
  - (i) тухайн агаарын хөлгийг зохион бүтээгч улсын гаргасан хамааралтай НТЧ-ын удирдамж бүрийг хангасан байх;
  - (ii) тухайн агаарын хөлөгт ашиглагдаж байгаа нисэхийн бүтээгдэхүүнийг зохион бүтээгч улсын гаргасан хамааралтай НТЧ-ын удирдамж бүрийг хангасан байх; эсхүл
- (3) энэ хэсгийн (1) болон (2)-т заасны дагуу, тухайн агаарын хөлөгт хамааралтай НТЧ-ын Удирдамжийг 39.53-ын дагуу Даргын зөвшөөрсөн хэрэгжүүлэлтийн өөр хэлбэрээр хангасан байх.

(b) Хэрэв Даргаас агаарын хөлгийн Яаралтай НТЧ-ын Удирдамжийн мэдэгдэл авсан этгээд нь тухайн агаарын хөлөгт Монгол Улсын бүртгэлийн гэрчилгээ эзэмшдэггүй бол, гэрчилгээ эзэмшигч биш болохоо Даргад нэн даруй мэдэгдэх үүрэгтэй.

### **39.53. Хэрэгжүүлэлтийн өөр хэлбэр**

(a) Энэ дүрмийн 39.51(a)(1) болон (a)(2)-т шаардсаны дагуу НТЧ-ын Удирдамжийн шаардлагыг хэрэгжүүлэх үүрэгтэй агаарын хөлгөөр үйл ажиллагаа эрхлэгч нь тухайн НТЧ-ын Удирдамжид заасан шаардлагыг хэрэгжүүлэлтийн өөр хэлбэрээр хангах зөвшөөрөл авах хүсэлтийг Даргад гаргаж болно.

(b) Энэ зүйлийн (a)-ийн дагуу НТЧ-ын Удирдамжийг хэрэгжүүлэлтийн өөр хэлбэрээр хангах зөвшөөрөл авах хүсэлт гаргагч нь:

- (1) САА 24039/01 маягыг бөглөж;
- (2) зохих төлбөрийн баримтын хамт Даргад хүргүүлэх үүрэгтэй.

(с) Хэрэв Дарга хэрэгжүүлэлтийн өөр хэлбэрийг хэрэглэснээр тухайн НТЧ-ын Удирдамжийн шаардлагыг хангасантай дүйцэх аюулгүй байдлын түвшнийг хангана гэж үзвэл, Дарга тухайн НТЧ-ын Удирдамжийн хэрэгжүүлэлтийн өөр хэлбэрийг үйл ажиллагаа эрхлэгчид зөвшөөрч болно.

**39.55. Хойшлуулсан хэрэгжүүлэлт**

Хэрэв НТЧ-ын Удирдамж нь агаарын хөлөг, эсхүл агаарын хөлөгт суурилуулсан нисэхийн бүтээгдэхүүнд дараалсан, цуврал үзлэг шалгалт хийхийг шаардсан бол агаарын хөлгөөр үйл ажиллагаа эрхлэгч нь НТЧ-ын удирдамжаар тусгайлан хориглосноос бусад тохиолдолд, анхан шатны үзлэгээс бусад шаардлагатай үзлэг шалгалтыг НТЧ-ын Удирдамжид заасан үзлэг шалгалтын давтамжаас 10%-иас ихгүй хугацаагаар хойшлуулж, бусад хуваарьт техник үйлчилгээний үед гүйцэтгэхийг зөвшөөрч болно.

**39.57. НТЧ-ын хадгалалтын бусад зааварчилгаатай зөрчилдөх**

Хэрэв НТЧ-ын Удирдамжид заасан шаардлага нь НТЧ-ын хадгалалтын холбогдох бусад зааварчилгаатай зөрчилдөж байгаа бол, НТЧ-ын Удирдамжид заасан тухайн шаардлага нь давамгайлна.

--oOo--